

**Ataatsimiititaliap**

1. Maluginiarpa, Danmarkip Inuit qilaatersortarnerat inngertarnerallu (nr. 01696) kulturik-kut kingornussat tigussaangitsut inuiassuit nalunaarsorsimaffiannut allattorsimasussatut innersuussimagaa:

Qilaatersorneq inngertarnerlu tassaapput naggueqatigiit Inuit eqqumiitsuliornikkut nipi-lersornikkullu ileqqui. Qilaatersorneq inngertarnerlu inuiattut ullorsiortoqartillugu, nalliut-tuni katerisimaartarnernilu inunnit ataasiakkaanit ataatsimoortunilluunniit ingerlanneqar-tarpoq. Qilaatersortoq aamma erinarsoqatigiinnik ingiorteqarsinnaasarpoq. Qilaatersor-nerup nalaani qilaatersortoq arnaq angulluunniit seeqquni peqittarlugit timini siumut or-lersittarlugu aalasarpoq. Qilaat sammivinnut assigiinngitsunut qummut amnullu tama-nut iliorlugu tivasarpoq, katuvarlu saanermik qisummilluunniit sanaaq qilaatip sinaanut i-kuttarlugu nipi ersarissoq imernaalasoq pilersinneqartarpoq. Inngernerit oqaluttuaaga-juttarput taalliarpalaartut, katuarpalaamut ingiortaasartut. Inngerutit tassaagajuttarput Kalaallit Nunaanni ulluinnarni inuuneq pillugu misigisalersaarutit, inngerutigineqartar-tulu asanninnermut, kipsisinnermut, quiasaarnermut piniarnermullu tunngassuteqartarput. Kalaallit Nunaanni inngerneq qilaatersortarnerlu kinaassutsimut ataatsimoortutullu misi-ginnermut pingaaruteqaqaaq, itsaq nalitsinnilu pisunut pituutaasoq. Qilaatersortarneq naligiinnermut assigiissumillu pisinnaatitaanermut Kalaallit Nunaanni takussutissaavoq, tamanillu pigineqartutut isigineqartarpoq, qanorluunniit ukioqaraluaaraanni, arnaagaanni angutaagaanniluunniit, nunaqqatigiit akornanni qanorluunniit isigineqaraluaaraanni qa-norlu politikikkut isiginnittaaseqarneq apeqqutaatinneqarneq ajorput.

2. Nalunaarutigaa, allakkiami paasissutissat ilanngunneqarsimasut tunngavigalugit inuias-suit akornanni kulturikkut kingornussat tigussaangitsut akornanni nalunaarsorneqar-nissamut uuttuutunut nalunaarsorneqarsimasussatut naapertuuttoq, uku pillugit:

R.1: Kalaallit Nunaanni tamani atorineqartarpoq naggueqatigiillu Inuit kinaassusiannut qitiusumik inissisimaffeqartoq, peqatigiinnermik, kingornussaqaarsimanermik pe-qatigiilluni oqaluttuarisaanermut atanermut siunissamullu atugassatut misiginer-mut ilaalluinnartoq. Qilaatersoriaaseq taalliarpalaartumik akoqartarpoq, nalingin-narmik ulluinnarni inuit inuunerannut attuumassuteqartoq. Peqataasut takutitsisul-lu innuttaasut akornanni inissisimaffiit apeqqutaatinneq ajorpaat, peqatigiiffinni katerittarfinnilu takutitseriaaseq iluemoorsaarfiuneq ajorpoq. Taamaattoq pisortati-goortumik aamma atorineqartarpoq ingerlatsivinni assigiinngitsuni, soorlu Kalaallit Nunaata Isiginnaartitsisarfiatigut, qilaatersornermut peqatigiiffinni qitinnermullu i-linniarfinni. Innuttaasut akornanni qilaatersorneq ilisarnaatitut isigineqarlunilu a-torneqartarpoq, naligiinnermut assigiissumillu pisinnaatitaanermut ilisarnaataa-sarluni. Inngerutit ilaat arnaassutsimut angutaassutsimulluunniit attuumassute-qartarput, taamaattoq kikkulluunniit qanoq ukioqaraluarunik arnaagunik angutaag-unilluunniit qilaatersorneq atugarisinnaavaat.

R.2: Sammisap eqqunneqarneratigut piginnittuunissatut misigineq annertusarneqar-tussaavoq, nunaqqatigiiaallu akornanni soqutiginninnermik naggueqatigiittullu kulturikkut kingornussat tigussaangitsut allat eriagineqarnissaannut soqutigin-ninnermik pilersitsisussaavoq. Nuna tamakkerlugu nalinginnaasumik Kalaallit Nu-naata kulturikkut kingornussassianut tigussaasuunngitsunut eqqumanerulerner-mik kinguneqartussaavoq pingaartillugulu piukkunnassusia ingerlatsiviit iluanni aallunneqarnerulertussaalluni. Nalunaarsukkanut ilanngunneqarpat, nunat tama-laak akornanni, kulturinilu allani soorlu naggueqatigiit Inuit allat akornanni, qilaa-tersornerup imarisai kulturikkut kingornussatut uumassusilittut eqqumaffigineqar-nerulissapput. Ilanngunneqarnera aamma nipilersornermik aallutaqartunut allanut

suleqateqalernissaq annertusassavaa, soorlu makku iluanni jazz, rap aamma indie rock, tamakkulu aqqutigalugit kulturikkut assigiinngiaassuseq allatullu piler-siorsortornerq siuarsarneqassapput.

- R.3: Nunaqqatigiiaartut, peqatigiit inuillu ataasiakkaat ukiut pingasut ingerlaneranni assigiinngitsutigut tammatsaaliuinermit, ilisimatusarnermik nalunaarsuinermillu tapertalerlugu ingerlatsisimapput, ukiuootumik nallittorsortuni peqataasarlutik, naqitatigullu aamma ilinniusianik filmiliorlutik atuartsisusisortarlutik. Naalagaaffiup tamakkuninnga peqataatitaqartup ingerlatsiviit allat suliniutaat ataqatigiissaas-savai, tammatsaaliuinermillu suliniutit, innuttaasunit attuumassuteqartunit, peqatigiiffinnit qilaatersortartunillu ataasiakkaanit akuujumaartussanit aallarnisarneqar-nissaannut siunnersuutit naapertorlugit aningaasatigut tapiissuteqartassalluni.
- R.4: Naalagaaffiup tamakkuninnga peqataatitaqartup uppersarpaa naggueqatigiit Inuit qilaatersoriaasiat inngeriaasiallu nalunaarsukkatut ilanngunneqartussanut innersuunneqarnermigut, inuiaqatigiit iluanni peqatigiinnit qilaatersortartunillu sa-pinngisamik amerlanerpaanit akuuffigineqarsimasooq, taakkulu pituttorsimanngit-sumik, siuootumik ilisimatinneqarsimallutik pisumut akuersisimasut. Innersuus-sineq decembari qaammat 2017-imi aallartinneqarpoq katersugaasiviup inner-suussineratigut. Naggueqatigiit Inuit qilaatersortarnerat inngertarnerallu pillugu inner-suussinermit ilanngunneqarsimapput naqitat sammisamut innut ataasiak-kaanut, inooqatigiinnerup iluani kulturikkullu pingaaruteqassusianik uppersaas-unik paasissutissartallit, qanorlu inuiaqatigiit inuuneranni tamanna malunniuttar-nersooq, aammattaaq nalunaarsorneqarnissamut qinnuteqaat taakkuninnga ilan-ngunneqarsimavoq. Sammisaaq pillugu kulturikkut ileqqusut naapertorlugit killiler-suinertaqanngilaq.
- R.5: Sammisaaq Kulturikkut eriajisassat tigussaannngitsut – Kalaallit Nunaanni kulturik-kut kingornussassat tigussaannngitsut allattorsimaffimmut ilanngunneqarpoq 2011-mi, suli innuttaasunit, atuisunit qilaatersortartunillu tapersorsorneqarluni na-lunaarsugaalinngikkallarmalli. Sammisaaq ingerlaavartumik nutarsaavigineqartas-saaq innuttaasunik oqaloqateqartarnerup kingorna paasissutissanik nutaanik pis-sarsisimasooqaraangat.

3. Aalajangerpoq, naggueqatigiit Inuit qilaatersortarnerat inngertarnerallu kulturikkut ki-ngornussat tigussaannngitsut inuiassuit nalunaarsorsimaffiannut allattorsimasussatut i-lanngunneqassasoq;
4. Iluaralugu akueraa naalagaaffiup tamakkuninnga peqataatitaqartup pernarlutik nalu-naarsuivimmut allattorsimasuuteqalernerat;
5. Taamatuttaaq innersuutigaa, naalagaaffik peqataatitaqartup nunaqqatigiit, peqatigiit i-nuillu ataasiakkaat amerlanerpaat akuutinnissaat qulakkiissagaa sammisaaq tammat-saaliorneqaqqullugu.